

七十二家集

重纂東方大中集引



東方譎諫人主喜其易狎彼
志遂狎人主然諫起上林排
突董偃即汲長孺之直豈遠
過哉淺視者混列之以為滑
稽高語者傳會之以為仙人

彼蓋托俳諧以傲世焉而匪
藉歲星乃顯也若夫吐辭英
偉稱是天逸今其存者大都
畫播傳誦余於拾遺記得其
寶甕一銘政如覓碎金於沙
際耳僭車孫弘書史載其目

今所餘雖蕭蕭
不得金篇讀之
知晉神平津
為海鷗鳥也

甲子
上巳
汰沃子
張燮識於

瑞
挺
塢



東方大中集目錄

卷之一

騷

七諫

初放

沈江

怨世

怨恩

自悲

哀命

謬諫

卷之二

詩

據地歌

誠子詩

嗟伯夷

聯句

栢梁詩

疏

諫起上林苑疏

應詔上書

書

與公孫弘書

從公孫弘借車馬書

公孫弘答東方朔書附

與友人書

序

十洲記序

論

非有先生論

設難

答客難

答驃騎難

頌

旱頌

銘

寶苑錄

附錄

東方朔傳

漢班固

東方生小傳

漢褚先生

列仙傳

漢劉向

東方朔別傳

東方朔畫像贊

晉夏侯湛

東方朔至清

魏嵇康

東方曼倩

唐吳筠

東方曼倩行

明王世貞

東方曼倩

明張燮

遺事

集評

糾繆

東方大中集卷之一

漢平原東方朔曼倩著

明閩漳張 燮紹和纂

騷

七諫

王逸註

平生於國兮

平屈原名也

長於原野

高平曰原野曰原少

生於楚國與君同朝長大見遠

言語訥謔兮

謔音

澀出口為言相答曰語

又無疆輔

言已質性忠信不能巧利

辭令言語訥鈍復無疆友黨

淺智福能兮聞見

輔以保達已志也疆一作強

又寡福使也寡少也相原多才有智博數言便

事兮見怨門下門下喻親近之人也言已數進

怨恨於左右欲害已王不察其長利兮卒見棄

乎原塹言懷王不察已忠謀可以安國利民伏

念思過兮無可改者言已伏自思念行羣衆成

朋兮上侵以惑上謂君也浸稍也言佞人相與

不自知也巧佞在前兮賢者滅息滅消也言佞臣巧

且夕在於君前而使忠賢之士心懷恐懼堯舜

聖已沒兮孰為忠直言堯舜聖明今已沒高山

程巍兮

崔巍高貌

水流湯湯

湯時章切湯湯流貌言

而不知顛弛倪視水流湯湯流行而不死日將知竭自多不如山水之性身將顛沛也

至今與麋鹿同坑

坑音岡跛池曰坑言已年歲

轉政治而與麋鹿同坑鳥獸同丘將墜而坑穿不復久矣塊鞠兮

塊獨處貌

常道宿

夜止曰宿言已孤獨無耦然獨處舉

世皆然兮余將誰告

告古六切舉與也言舉當世之人皆行佞偽當何所

告我患斥逐鴻鵠兮

鴻鵠大鳥近習鴟梟

鴟梟惡鳥斬伐

橘柚兮

柚音又橘柚美木

列樹苦桃

苦桃惡木言君親近貪賊姦惡之臣

而遠仁賢之臣也

便娟之脩竹兮寄生乎江潭

便平聲便娟好

東方大中集

卷二

二

貌屈原以竹自喻言有便娟長好之竹生於江

水之潭被蒙潤澤而茂盛自恨放流而獨不蒙

君之上蔽蕤而防露兮蕤盛貌也下泠泠而來

風泠泠清涼貌言竹被潤澤上則茂蕤而防蔽

也以言已德上能覆孰知其不合兮若竹栢

之異心竹心空屈原自喻志通達也栢心實以

塞其志不合若往者不可及兮謂聖明之王堯舜禹湯文武也

來者不可待欲領賢君年齒已悠悠蒼天兮莫

我振理悠悠憂貌振救也言已憂愁思想則呼

援理我之蒼天言已懷忠正而君不知羣下無有

待冤者竊怨君之不寤兮吾獨死而後已言已

私怨懷王用心闕惑終不覺寤今
我獨抱忠信死於山野之中而已

初放

惟往古之得失兮

言已思念古者人君得道則安失道則危禹湯以王桀紂

以覽私微之所傷

傷害也言已又觀人君私愛

國以危殆也楚之無

堯舜聖而慈仁今後世稱

而弗忘

言堯舜所以有聖明之德者以任賢能慈愛百姓故民至今稱之也

齊桓

失於專任兮夷吾忠而名彰

夷吾管仲名也管仲將死戒桓公曰

豎刁自割易牙烹子此二臣者不愛其身不慈其子不可任也桓公不從使專國政桓公卒二子各欲立其所傳公子諸公子並爭國亂無主而桓公尸不棺積六十日蟲流出戶故曰失於

專任夷吾忠而名著也

晉獻惑於驪姬兮申生孝而被殃

已解於九

偃王行其仁義兮荆文寤而徐亡

荆楚

章篇中

也徐偃王國名也周宣王之舅申伯所封也詩

曰申伯番番既人于徐周衰其後偕號稱王也

偃謚也言徐偃王修行仁義諸侯朝之三十餘

國而無武備楚文王見諸侯朝徐者衆心中覺

悟恐爲所并因興兵擊之而滅徐也故司

紂暴

虐以失位兮周得佐乎呂望

卒怒曰暴賊善曰虐言股紂暴虐以

失其位周得呂

修徃古以行恩兮封比干之丘

壠

小曰丘大曰壠言武王脩先古之法敬愛賢能克紂封比干之墓以彰其德宣示四方也

賢俊慕而自附兮日浸淫而合同

才敏干人爲俊淫多貌也

言天下賢莫俊慕周之德也日來附浸淫盛多四海並合皆同志也明法令而

修理兮蘭芷幽而有芳言周家選賢任士官得其人法令修理故幽隱

之士皆有嘉名也苦衆人之妬予兮言已患苦楚國衆人妬我忠直欲害

已箕子寤而佯狂箕子紂之庶兄見比干諫而被誅則被髮佯狂以脫其難

也不顧地以貪名兮心怫鬱而內傷言已欲效

而去不顧楚國之地貪忠直之名念若開昧心爲傷痛怫鬱而傷病也聯蕙芷以

爲佩兮過鮑肆而失香言仁人聯結蕙芷芬芳之草服之於身過鮑魚

之肆則失其性而不芬香也以言已積累忠信爲讒人所毀失其忠名也正臣端其

操行兮反離謫而見攘謫誡也攘排也言正直之臣端其心志欲以輔

君反為讒人所譏誚

世俗更而變化兮

而一作伯

夷餓於首陽

言當世俗人皆改其清潔化為貪邪當若伯夷餓於首陽而身垂功

名也獨廉潔而不容兮叔齊久而逾明

叔齊伯夷弟也言已

獨行廉潔不容於世雖饑餓而死幸若叔齊久而有榮名也

浮雲陳而蔽晦

今使日月乎無光

言讒佞陳列在側

忠臣貞而

欲諫兮讒諛毀而在旁

言忠臣正其心欲諫其君讒毀在旁而不敢言

也秋草榮其將實兮

其一微霜下而夜降

微霜殺物

以喻讒諛言秋時百草將實微霜夜下而殺之使不得成熟也以言讒人晨夜毀已亦將害已身使其忠名不得成也

商風肅而害生兮

商風西風肅意貌一作肅肅

百草育而不長

言秋氣起則百草凋落不得生長也

急促刻傷百姓使不得保其性命也

衆竝諧以妬賢兮

易傷

言衆佞相與譏同以妬賢者雖有聖明之智孤特無助易傷害也

懷計

謀而不見用兮巖穴處而隱藏

士曰隱實曰藏言已懷忠信之

計不得列見獨處巖穴之中隱藏而已

成功壞而不卒兮

壞壞也

子

胥死而不葬

言子胥爲吳伐楚破郢謀行功成後用讒言賜劍棄屍故言死而不葬

世從俗而變化兮隨風靡而成行

言當世之人見子胥

被害則變心從俗以承上意

信直退而毀敗兮

虛僞進而得當

言信直之臣被蒙譖毀而身敗棄虛僞之人進用在位而常顯

職追悔過之無及今無之一作而豈盡忠而有功

言君進用虛僞之臣則國傾危追而自悔亦無所及也已欲盡忠直之體終不能成其功也豈

一作廢制度而不用今務行私而去公言在位

先王之制度務從弘邪終不變而死節今惜年

齒之未央言已執守清白而死忠直終不變節惜年齒尚少壽命未盡而將天逝也

將方舟而下流今冀幸君之發矇大夫方舟士特舟矇僅矇

也言我將方舟隨江而浮冀幸懷王聞其矇惑之心而還已也痛忠言之逆耳

兮恨申子之沈江申子伍子胥也吳封之於申故號爲申子也哀痛忠直之

言辭逆君耳使之志怒若申願悉心之所聞兮

聞諫吳王殺而沈之江流也

心一遭值君之不聰悉忠竭忠遠曰聰言已欲

作余遭值懷王間不聰不聞陳列政事

明而不見不聞不聞寤而難導導一作導不別

橫之與縱辨曰橫經曰縱言君心常惑而不可

縱不能知賢聽奸臣之浮說今絕國家之久長

言君好聽邪說之臣虛言浮說以自減規渠而

誤亂將絕國家累世久長之祿也不用今背繩墨之正方

言君為政滅先聖之法

之臣以離憂患而乃寤離一作離若縱火於秋蓬

蓬蒿也秋時枯槁言君信任佞諛不慮艱難卒

遭憂患然後乃覺若放火於秋蒿不可救制也

業失之而不救兮尚何論乎禍凶

言君施行業以失道身將

危殆尚復論國之
禍國豈不晚哉彼離畔而朋黨兮獨行之士

其何望

言彼讒佞佞相與朋黨並食重祿獨行忠直之士當復何望左窮困也日漸

染而不知兮

汙變為染秋毫微哉而變容焉毫

夏落秋生言君用讒邪日以漸染隨之變化而不自知者教毫更生其容微眇而日長大也

衆輕積而折軸兮原咎雜而累重

咎過也言車載衆輕之物

以折其軸而不可乘其過咎由重衆雜載衆多之故也以言國君聽用羣小之言則壞敗法度

而自傾

赴湘沅之流澌兮恐逐波而復東

言已心清

潔不能久居濁世故赴湘沅之冰與流澌俱浮恐遂乘波而東入大海也

懷沙礫而

自沈兮不忍見君之蔽壅

礫小石也言已所以懷沙負石甘樂死

自沈於水者不忍久見
懷王壘蔽於讒佞也

沈江

世沈淖而難論兮

沈淖也淖溺也

俗吟峨而嘖嗟

吟與

吟峨嘖嗟不齊貌言時世之人沈淖沒財利用心淖溺不論是非不別忠佞風俗毀譽高下嘖嗟

賢愚合同上不任賢化使然也

清泠泠而殲滅兮

殲音尖清泠泠以喻潔白

殲盡也滅清也

溷湛湛而日多

溷讀作沈溷湛溷喻貪濁也言

一云而日殲兮

泠泠清潔之士盡棄銷滅不見論

群兮玄鶴弭翼而屏移

言貪狼之人並進成群廉潔之士歛節而退也

蓬艾親入御於牀第兮

第音姊第牀簀也

以喻親密馬蘭

蹕而日加

蹕音趨蹕音卓馬蘭惡草也蹕蹕暴長貌也加盛也言蓬蒿蕭艾入御房

中則馬蘭之草蹕蹕暴長而茂盛也以言依諂見親近則邪僞之徒踴躍而欣喜也棄捐

葑芷與杜蘅兮余柰世之不知芳何

言棄捐芳草也正之

士當奈世人不知賢何一云尔柰夫不知芳何何周道之

平易兮然蕪穢而險戲

險戲猶言傾危也言周家建立德化其道平直

公方所履無失而言蕪穢傾危者心惑意異也以平直為傾危則以忠正為邪枉也詩曰周道

如砥其高陽無故而委塵兮

高陽帝顓頊也委塵兮塵也言帝顓

頊聖明克讓然無故被塵

唐虞黜灼而毀議

黜

也灼炙也猶身有病人黜炙之言堯舜至聖道德擴被尚黜炙謫毀言有不慈之過卑父之累

誰使正其真是兮

言佞人妄論以善爲惡乃非訓聖王當謹使正其真

僞乎已以忠被

雖有八師而不可爲

八師謂禹
稷高皋陶

舉國共攻也

雖有八師而不可爲八師謂櫻尚臯

陶禹

伯夷僅益夢也言堯舜有聖賢之臣八人以皇
為師傳不能除去虛僞之術平疾癘之辭也

天保其高兮后土持其久

言皇天保其高明之
姿不可踰越也后土

持其久長不可摧發也賢人守其志
分亦不可傾奪也一云不可輕脫

服清旦以

逍遙今偏與乎玄英異色

玄英純黑也以喻貪濁言已被服芬香履

修清白偏與貪濁者
異行不可同趣也

西施媼媼而不得見兮

音姬

提西施美女也媼媼好貌也詩曰好人媼媼也

葵母勃屑而日侍

莫女醜女

也勃屑猶嫫嫫膝行貌言西施媿媿儀容姣好
屏不得見葵母醜惡反得嫫嫫而侍左右也以

言親近小人

桂蠹不知所淹留兮

桂蠹以喻食祿之臣也言

桂蠹食芬香居高顯不知留止妄欲移徙則夾甘美之木亡其處也以言衆臣食君之祿不建忠信妄行佞諂亦將

蓼蟲不知徙乎葵菜

言蓼蟲處

失其位喪其所也辛烈食苦惡不能知徙於葵菜食甘美終以困苦而癯瘦也以喻已脩潔白不能變志易行以求祿位亦將終身

處潛潛之濁世兮今安所達

乎吾志

潛音泮言已居濁溷之世無有達我清白之志也一云今安達乎吾志

意

有所載而遠逝今固非衆人之所識

識知也言已心載忠

正之志欲遠去以求賢人

騏驎蹕蹕於弊輦兮

音輦

蹕蹕蹕蹕

遇孫陽而得代

孫陽伯樂姓名也言衆人不識騏驎以駕敗車

則不肯進遇伯樂知其才也
里流名德也以言俗人不
建道流化呂望窮困而不聊生今遭周文而得
垂功業也

志寤戚傾牛而商歌兮桓公聞而弗置

指解於離騷經

路室女之方桑兮

路室客舍也

孔子過之以自侍

言孔

子出遊過於客舍其女方采桑
一心不視喜其貞信故以自侍
吾獨乖刺而無

當兮

乖差也

心悼怵而耄思

耄亂也九十曰耄言古賢俊皆有遭

遇我獨乖差與時邪刺故心
中自傷怵惕而思志為耄亂
思比干之忼忼兮

忼忼忠直之

哀子胥之慎事

子胥臨死曰抉吾兩目置吳東門以

觀越兵之人也死不
忘國故言慎事也
悲楚人之和氏兮獻寶玉

以爲石過厲武之不察兮羌兩足以畢斲斲音斬斲音斲

斲也書中稱得實王之璞而獻之楚厲王或毀之以爲石王怒斷其左足武王卽位和復斲之

武王不察觀又斷其右足和乃實流於荆山之

得美玉世所謂和氏之璧也或曰兩足畢索索盡也以言玉石易別於患佞尚不能知己之獲

罪是其小人之居勢兮志狹智少視忠正之何

若言小人智少慮狹苟欲承順求媚以居位改勢視忠正之人當何如乎甚於草芥也

前聖之法度兮前一喜囁嚅而妄作囁嚅小語謀私貌也

言小人在位以其愚心改更先聖法度背違仁義相與耳語謀利而妄造虛僞以譖毀賢人也

親讒諛而疏賢聖兮訟謂閹嬖爲醜惡謹譁爲訟謂

好女也言君親信讒諛之臣斥逐忠正昔先聖
法度衆人謹諱之訟以好爲惡心迷意惑不自
知也愉近習而蔽遠分孰知察其黑白
言君近諂
也之蔽遠賢者言不見川誰當
知已之清白彼之貪濁也卒不得效其心容

今卒一作來安耿耿而無所歸薄薄附也言已放流

盡形體東西耿耿無所歸附也專精爽以自明今晦冥冥而壅

蔽言已專壹忠情竭盡耳目之精明欲以年旣

已過太半兮然輜軻而留滯輜音坎軻音柯輜

已過五十而輜軻沈滯卒無所逢偶也欲高飛而遠集兮恐離閔

而滅敗國以喻法言已欲高飛遠止他方獨冤

恐遭罪法以滅敗忠厚之志也

抑而無極兮傷精神而壽天壽命天也皇天既不純

命兮余生終無所依依保也願自沈於江流兮絕

橫流而徑逝徑一作遠寧為江海之泥塗兮安能久

見此濁世言已思委命於江流沈為泥塗不怨久見貪濁之俗也

怨世

賢士窮而隱處兮士一作作者廉方正而不容言時貪亂者衆

賢者隱蔽廉正之士不得容於世也子胥諫而靡軀兮比干忠而

剖心子推自剖而飲君兮德日忘而怨深飲音詞已

解於九章中一云推自割而飼君兮行明白而日黑兮荆棘聚而

成林

荆棘多刺以喻讒賊言已修竹清白皎然日明而讒人聚而蔽之謂之暗昧使不得

通也

江離棄於窮巷兮

蘇黎蔓乎夷庭

言賢者棄捐閭巷小人親近左右也

賢者蔽而不見兮

進而相朋

相朋一作在位朋一作明

梟鴟竝進而俱鳴兮

鳳皇飛而高翔

言小人相舉而論議賢智隱而深藏也

願壹往而徑

逝兮

壹或作一

道壅絕而不通

言已思壹見君盡忠言而途徑去障蔽於

讒佞而不得志也

怨思

居愁懃其誰告兮

言已放山澤心中愁懃

言已放山澤心中愁懃

無所告愬長

內自省而不慙今操愈堅而不衰

言已自念懷抱忠誠履行清白內不慙於身外不媿於人志愈堅固不衰懈也

隱三年

而無決今歲忽忽其若頽

言已放在山野滿三年矣歲月迫促去若

頽下年且老也古者人臣三諫不從待放三年君命還則復無則遂行也

憐余身不

足以卒意兮

憐一作伶

與一見而復歸

言已自憐身老不足以終

志意幸復一見君陳忠言還鄉邑也

哀人事之不幸今屬天命而

委之咸池

咸池天神也言已自哀不能脩人事以見愛於君屬祿命於天委之神明

而身被疾而不問兮

間差也

心沸熱其若湯

言已脩行

仁義身反被病而不問差憂道不立心中怛然而氣熱若湯之沸也

冰炭不可以

櫛竝兮

並作也

吾固知乎命之不長

言冰見炭則消炭得冰則

滅以喻忠佞不可竝處則相傷害害固知我命之不得長久將消滅也一云固知余命之不長一

云吾乎固知命之不長

哀獨苦死之無樂兮惜予年之未

央

自哀惜死年尚少也

悲不反余之所居兮

一本不下有得字

恨

離予之故鄉

不得歸郢見故居也

鳥獸驚而失羣兮

飛者為鳥

走者為羣 驚高飛而哀鳴

言鳥獸失其羣偶尚哀鳴相求以刺同位之人曾無

相念之意也

狐死必首丘兮夫人孰能不反其真情

真情本心也言狐狸之死猶嚮丘穴人年老將死誰有不思故鄉乎言已尤甚也

故人

疏而日忘兮新人近而愈好

言舊故忠臣日以疏遠讒諛新人日

通而見親也一云新人愈近而日好莫能行於杳冥兮孰能施於

無報言衆人誰能有執心正行於杳冥之中施於無報之人乎言皆苟且而行以求利也

若衆人之皆然兮乘回風而遠遊言已患苦衆人皆行苟且

故乘風而遠去也凌恒山其若陋兮凌凌也恒山非遠也陋小也聊

愉娛以忘憂言已乘騰萬山以爲庫小陟險猶易聊且愉樂以忘悲憂也愉一作

媮媮悲虛言之無實兮讒言無誠君不察也苦衆口之鑠金

已解於九章中過故鄉而一顧兮泣歔歔而霑襟言已遠行

猶思楚而悲泣也厭白玉以爲面兮厭著也懷琬琰以爲

心言已施行清白心面若玉内外相副邪氣入而感內兮施玉色

而外淫

浮潤也言讒者之言雖自內感已志而猶不變玉色外潤而內愈明也

何

青雲之流瀾兮

作瀾一

微霜降之蒙蒙

蒙蒙盛貌詩云零雨

其蒙言遭倭人羣聚造作虛辭君政用急天旱下霜則害草木傷其貞節也

徐風至

而徘徊兮

而一作疾

疾風過之湯湯

風為號令言君命寬則風舒風

舒則已徘徊而有還志也今急風疾則已惶遽欲急去也一云疾風舒之蕩蕩

聞南藩

樂而欲往兮

藩蔽也南國諸侯為天子藩蔽故稱藩也一本無樂而二字

至

會稽而且止

會稽山名也言已聞南國饒樂而欲往至會稽山且休息也

見

韓衆而宿之兮問天道之所在

韓衆仙人也天道長生之道也

借浮雲以送予兮載雌霓而為旌

旌旗也有鈴為旌也一云

載虹霓而為旌

駕青龍以馳騫兮班衍衍之冥冥

言極疾也

忽容容其安之兮超慌忽其焉如

不知所之也

苦衆

人之難信兮願離羣而遠舉

舉去也言苦見俗人多言無信不可

據任故願離衆而遠去也

登巒山而遠望兮

巒小山也一云登巒無山字

好桂樹之冬榮

南方有不死之草北方有不釋之水也一云好桂茂而冬榮

觀天火之炎燭

音陽今聽大經之波聲

大經海水也言已仰

觀天火下觀海水心愁思也

引八維以自道兮

天有八維以爲綱紀也

含沆瀣以長生

言已乃擘持八維以自導引含沆瀣之氣以不死也

居不

樂以時思兮

一作而一云思時

食草木之秋實

秋實謂棗栗之

屬也飲蘭若之朝露兮構桂木而爲室言飲食潔清所處芬

香也雜橘柚以爲囿兮一作圖列辛夷與椒櫝雜聚衆善

以自修飾也鵙鵙孤而夜號兮哀居者之誠貞言鵙鵙

鵙大鳥猶知賢良哀惜已之履行正直而不施用也

自悲

哀時命之不合兮傷楚國之多憂言已自哀生時祿命好行

公正不與君合憐傷楚國無有忠臣國家多憂也內懷情之潔白兮

作實遭亂世而離尤言已懷潔白之志以惡耿介

之直行兮世溷濁而不知言衆人惡明正之直士以君闇昧不知用

之故也

何君臣之相失兮上沅湘而分離

言讒佞害已使

明君放逐忠臣上

測汨羅之湘水兮

汨水在長沙羅縣下

注湘水中知時固而不反

言已流身汨水終不還楚國也

傷離散之

交亂兮遂側身而既遠

遠去而流遷也

處玄舍之幽門

今穴巖石而窟伏

巖穴也言已修德不用欲伏巖穴之中以自隱藏也

從

水蛟而爲徒兮與神龍乎休息

自喻德如蛟龍而潛匿也

何

山石之嶄巖兮靈魂屈而偃蹇

言山石高巖非已所居靈魂屈

蹇難上欲去之也

含素水而蒙深兮日耿耿而既遠

素水

白水也言雖遠行不失清白之節也

哀形體之離解兮

解一作解

神罔

兩而無舍

兩無所歸行無所歸也舍止也自來身

依而舍

惟椒蘭之不反兮

椒子椒也蘭子蘭也魂迷惑而

不知路

言子椒子蘭不肯反已魂魄迷惑不知道路當如何也

願無過之

設行兮雖滅沒之自樂

言願設陳已行終無過惡雖身沒名滅猶自樂

不改

痛楚國之流亡兮哀靈脩之過到

言懷王

至於惡楚國將危

固時俗之溷濁兮志瞽迷而

不知路

瞽瞞也迷惑也言已遭遇亂世心中煩惑不知所行也

念私門之

正匠兮

匠教也

遙涉江而遠去

言已念衆臣皆營其私相教以利乃

以其邪心欲正國家之事故已遠去也

念女嬃之嬋媛兮涕泣流

乎於悒已於悒增歎貌也我決死而不生兮雖重

追吾何及言亦無所復還也戲疾瀨之素水兮

望高山之蹇產言已履清白其志如水雖遇棄放猶志仰高遠而不降也哀

高丘之赤岸兮遂沒身而不反言已哀楚有高丘之山其岸峻

險赤而有光明傷無賢君將以陷危故沈身於湘流而不還也

哀命

怨靈脩之浩蕩兮已解於離騷經夫何執操之不固操志

也固堅也言已念懷王信用悲太山之為隍兮

隍城下池也易孰江河之可涸涸塞也言太山將頽為池以喻

曰城復于隍也

君且失其位則心迷誠過惡已
成若江河之決不可涸塞也
願承聞而效志

今恐犯忌而干諱
所畏為忌所隱為諱干觸也

効忠言恐犯上忌觸
衆人諱而見刑誅也
卒撫情以寂寞兮然怛悵

而自悲
怛悵悵貌也言已終撫我情寂
玉與石

而同匱兮
匱匱也
貫魚眼與珠璣
圓澤為珠璣瑪

知賢愚忠佞之士猶雜魚
眼與珠璣同貫而不別也
駑駿雜而不分兮
駑駑也

馬也良馬
為駿也
服罷牛而驂驥
左轅為服外駢為驂

駑駿不異賢愚若駕罷牛驂
以駑驥才力殊也罷音皮
年滔滔而日遠兮

滔滔
行貌
壽冉冉而愈衰
自傷不遇
心忡憚而煩冤

今

徐音徐憚音單徐憚憂愁貌也

蹇超播而無冀

蹇辭也超播不安也言已

自念年老心中徐憚超播不安終無所冀望也

固時俗之工巧兮滅規

矩而改錯却騏驥而不乘兮策駑駘而取路當

世豈無騏驥兮誠無王良之善馭見執轡者非

其人兮故駒跳而遠去

皆已解在九難

不量鑿而正枘

今恐禦嬖之不同

已解於離騷經也

不論世而高舉兮

恐操行之不調

調和也言人不論世之貪濁而高舉清白之行恐不知於俗而

見惜於衆也

孤弓弛而不張兮

弛

孰云知其所至

言孤

弓雖強弛而不張誰知其力之所至乎以言賢者不在職位亦不知其才德也

無傾危

之患難兮焉知賢士之所死言國無傾危之難則不知賢士之伏

節死義也俗權佞而進富兮節行張而不著賢良蔽

而不羣兮朋曹比而黨譽邪枉說飾而多曲兮

正法孤而不公孤戾也言世俗之人推佞以為賢進富以為能故君之正法膠

戾不用衆皆背公而歸私也直士隱而辟匿兮讒諛登乎明

堂明堂布政之宮也言忠直之士隱身辟匿讒諛之人反登明堂而為政也棄彭咸

之娛樂兮言棄彭咸清潔之行娛樂之風俗則為貪佞也滅巧倖之繩

墨言工滅巧倖之繩墨則枉直失其制也言若昔先王之法則自亂惑也萑路雜

於叢蒸兮泉翮曰叢煇竹曰蒸言持萑路香直之草雜於叢蒸燒而燃之則不識於

卷之二

物也以言取忠直棄之林野亦不知賢也一云篋蔬雜於麋蒸機蓬矢以射革

矢箭也言張强弩之機以蓬蒿之箭以射犀革

之盾必摧折而無所能入也言使愚巧任政必

致荒亂無所能成也駕蹇驢而無策兮蹇跛也策策也又何路之

能極極竟也言若任駕頓之臣使在顯職如駕

以直鍼而為釣兮釣一作鈞又何魚之能得言君不

敬聘請賢者猶以直鍼釣魚無所能得也伯牙之絕弦兮伯牙工鼓琴也無

鍾子期而聽之鍾子期識音者也言鍾子期死

無知音也言已不遇明君識忠直者亦空鉗口而不語言也和抱璞而泣血

今一云和氏安得良工而剖之和卞和也剖猶治也同

也已解於上篇

音者相和兮

謂清濁也

同類者相親

謂好惡也以言若清則潔白

之士進君闇昧則貪濁之人

飛鳥號其群兮鹿

鳴求其友

同志為友言飛鳥登高木志意喜樂則和鳴求其群而呼其羈鹿得美草

口甘其味則求其友而號其侶也以言在位之臣不思賢念舊曾不若鳥獸也詩曰嚶其鳴矣

求其友聲又曰呦呦鹿鳴食野之苹

故叩宮而宮應兮彈角而角

動

叩擊也彈揆也宮角五音也言叩擊五音各以其聲感而相應也以言君求仁則仁至修

正則下直也一云叩宮而商應彈角而徵動

虎嘯而谷風至兮

虎陽物也

谷風陽氣也言虎悲嘯而吟則谷風至而應其類也以言君脩德行政則百姓隨而化也

龍

舉而景雲往

龍介蟲陰物也景雲大雲而有光者雲亦陰也言神龍將舉陞天則

景雲覆而扶之輔其類也言君好賢士則英俊往而前集也音聲之相和兮

言物類之相感也

言鳥獸相呼雲龍相感無不應其類而從其耦也傷若獨

無持誠之心以動賢也一云音繫而相和兮一無言及也字

夫方圓之異形

今

一作圓

勢不可以相錯

言若性所為不與已合若方與圓不

可錯雜勢不相安也

列子隱身而窮處兮

列子古賢士也

世莫可

以寄託

言列子所以隱佚不仕而窮處者以世多詐僞無可以寄命託身也以一作與

衆鳥皆有行列兮鳳獨翱翔而無所薄

已解於九辨也

經濁世而不得志兮願側身巖穴而自託

言已歷貧

濁之世終不得展其志意但甘處巖穴之中而隱伏也

欲闔口而無言兮

嘗被君之厚德

闔門也言已欲聞口結舌而不能復言以嘗被君之厚祿故不能

默也獨便帽而懷毒今愁鬱鬱之焉極

言憂愁之無窮也

念三年之積思今願壹見而陳詞

思一見君而陳忠言也

不及君而騁說今

騁馳也

世孰可爲明之

言已不及賢君

而騁極忠說則時世開蔽無可爲明真偽也

身寢疾而日愁今

寢臥也

情沈抑而不揚

言已身被疾病臥而愁思自傷忠誠沈抑而不得揚達也

衆

人莫可與論道今悲精神之不通

言當世之人無可與議事

君之道者哀我精神所志而不得通於君也

謬諫

亂曰鸞皇孔鳳日以遠兮云鸞孔雀也一畜鳧駕

鵝一云畜鷄鴛滿堂壇兮高殿敞揚為堂龜鼉

游乎華池遠蝦蟇也華池芳華之池也言君推

人滿於堂庭龜鼉喻要褻奔亡兮騰駕橐駝

腰一鉛刀進御今遙棄太阿要褻駿馬太阿利

裹英俊之士而駕橐駝任使罷拔舉玄芝兮

神草列樹芋荷橘柚萎枯兮橘柚美苦李旖旎

旖旎盛貌也言君乃拔去芝草賤棄橘柚種甌

甌芋荷養育苦李愛重小人斥逐君子也甌甌瓦周鼎潛乎深淵周鼎夏

甌甌瓦登於明堂兮

甌甌瓦

周鼎潛乎深淵

禹所作

鼎也左氏傳曰昔夏禹之有德遠方圖餽貢金
九牧鑄鼎象物桀有昏德鼎遷于商商紂暴虐
鼎遷于周是爲則鼎言饒國之器登明堂周鼎
反藏于深淵之水言小人在政賢者隱也
自古而固然兮吾又何怨乎今之人言得古歟
姪忠直而
不宜進用我何爲獨怨
今世之人乎自開之詞

東方大中集卷之二

漢平原東方朔曼倩著

明閩漳張燾紹和纂

詩

據地歌

陸沈於俗避世金馬門
宮殿中可以避世全身
何必深山之中蒿廬之下

誠子詩

明者處世莫尚於中
優哉游哉於道相從
首陽

爲拙柳惠爲工飽食安步以仕代農依隱玩世
詭時不逢才盡身危好名得華有羣累生孤貴
失和遺餘不匱自盡無多聖人之道一龍一蛇
形見神藏與物變化隨時處無有常家

嗟伯夷

窮隱處兮窟穴自藏與其隨佞而得志不若從

孤竹於首陽

東方旣以伯夷爲拙又曰不若從孤竹於首陽似覺語意相反但此

歌實出

藝文

聯句

栢梁詩

漢武帝元封三年作栢梁臺詔羣臣二千石有能爲七言詩乃得上坐

日月星辰和四時

帝

驂駕騶馬從梁來

梁王孝王武

郡國士馬羽林材

大司馬

總領天下誠難治

丞相石慶

和撫四夷不易哉

大將軍衛青

刀筆之吏臣執之

御史

大夫倪寬

撞鐘伐鼓聲中詩

太常周建德

宗室廣大日益

滋

宗正劉安國

周衛交戟禁不時

衛尉路博德

總領從宗

栢梁臺

光祿勳徐自爲

平理清讞決嫌疑

廷尉杜周

脩飾輿

一作馬待駕來太僕公孫賀郡國吏功差次之大鴻臚壺

克國樂與御物主治之少府王溫舒陳粟萬石楊呂一作

箕大司農張成微道宮下隨討治執金吾中尉豹三輔盜

賊天下危左馮翊盛宣盜阻南山為民災右扶風李成信外

家公主不可治京兆尹椒房率更領其材詹事陳掌寶

夷朝賀常舍其典屬國柱枅榑欂相枝持大匠枇杷

橘栗桃李梅大官令走狗逐兔張罟罟上林令齧妃

女脣甘如飴郭舍人迫窘詰屈幾窮哉東方朔

疏

諫起上林苑疏

臣聞謙遜靜慤天表之應應之以彌驕溢靡麗
天表之應應之以異今陛下累郎臺恐其不高
也弋獵之處恐其不廣也如天不爲變則三輔
之地盡可以爲苑何必蓋屋鄠杜乎奢侈越制
天爲之變上林雖小臣尚以爲大也夫南山天
下之阻也南有江淮北有河渭其地從汧隴以
東商雒以西厥壤肥饒漢興去三河之地止霸

產以西都涇渭之南北所謂天下陸海之地秦之所以虜西戎兼山東者也其山出玉石金銀銅鐵豫章檀栢異類之物不可勝原此百工所取給萬民所仰足也又有秔稻粱粟桑麻竹箭之饒土宜薑芋水多蠃魚貧者得以人給家足無饑寒之憂故鄠鎬之間號爲土膏其賈畝一金今規以爲苑絕陂池水澤之利而取民膏腴之地上乏國家之用下奪農桑之業棄成功就敗事損耗五穀是其不可一也且盛荆棘之林

而長養麋鹿麋狐兔之苑大虎狼之墟又壞人
冢墓發人室廬令幼弱懷土而思耆老泣涕而
悲是其不可二也斥而營之垣而固之驕馳東
西車驚南北又有深溝大渠夫一日之樂不足
以危無隄之輿是其不可三也故務苑囿之大
不恤農時非所以彊國富人也夫殷作九市之
宮而諸侯畔王起章華之臺而楚民散秦興
阿房之殿而天下亂漢土愚臣忘生觸死逆盛
意犯隆指罪當萬死不勝大願願陳泰階六符

以觀天變不可不省

應詔上書

臣朔少失父母長養兄嫂年十二學書三冬文史足用十五學擊劍十六學博學二十萬言十九學孫吳兵法戰陣之具鉦鼓之教亦誦二十二萬言凡臣朔固已誦四十四萬言又常服子路之言臣朔年二十二長九尺三寸目若懸珠齒若編貝勇若孟賁捷若慶忌廉若鮑叔信若尾生若此可以爲天子大臣矣臣朔昧死再拜以聞

書

與公孫弘書

蓋聞爵祿不相貴以禮同類之游不以遠近爲
初是故東門先生居蓬戶空穴之中而魏公子
一朝以百騎馳造之呂望未嘗與文王同席而
坐一朝讓以天下半大丈夫相知何必以撫塵
而游垂髮齊年偃伏以日數哉

從公孫弘借車馬書

朔當從甘泉願借外廐之後乘木槿夕死而朝榮者士亦不必長貧也

公孫弘答東方朔書附

譬猶龍之未升與魚鼈爲伍及其升天鱗不可覩

與友人書

不可使塵網名韁拘鎖怡然長笑脫去十洲三
島相期拾瑤草吞日月之光華共輕舉耳

序

十洲記序

臣學創者耳非得道之人以國家盛美特招延
儒墨於文網之內抑絕俗之道擯虛詭之迹臣
故韜隱逸而赴玉庭藏養生而侍朱闕矣亦由
尊上好道且復欲徜徉威儀也曾隨師之主履
行非至朱陵扶桑之闕溽海冥夜之丘純陽之
陵始青之下月宮之間內遊七丘中旋十洲踐
赤縣而遨五嶽行陂澤而息名山臣自少及今

周流六天涉歷八極於是矣未若陵虛之子飛
真之官上下九天洞觀百方北極鉤陳而并華
蓋南翔太丹而栖太素源之通陽之霞西薄寒
穴之野日月所不逮是謂新不與其上無復物
其下無復底臣之所識始僊不足_以酬廣訪矣

論

非有先生論

非有先生仕於吳進不稱往古以勵主意退不
能揚君美以顯其功默默無言者三年矣吳王
怪而問之曰寡人獲先人之功寄於衆賢之上
夙興夜寐未嘗敢怠也今先王率然高舉遠集
吳地將以輔治寡人誠竊嘉之體不安席食不
甘味目不視靡曼之色耳不聽鐘鼓之音虛心
定志欲聞流議者三年于茲矣今先生進無以

輔治退不揚主譽竊不爲先生取也蓋懷能而不見是不忠也見而不行主不明也意者寡人殆不明乎非有先生伏而唯唯吳王曰可以談矣寡人將竦意而覽焉先生曰於戲可乎哉可乎哉談何容易夫談有悖於目拂於耳謬於心而便於身者或有說於目順於耳快於心而毀於行者非有明王聖主孰能聽之吳王曰何爲其然也中人已上可以語上也先生試言寡人將聽焉先生對曰昔者關龍逢深諫於桀而

王子比干直言於紂此二臣者皆極慮盡忠罔
王澤不下流而萬民騷動故直言其失切諫其
邪者將以爲君之榮除主之禍也今則不然反
以爲誹謗君之行無人臣之禮果紛然傷於身
蒙不辜之名戮及先人爲天下笑故曰談何容
易是以輔弼之臣瓦解而邪諂之人竝進遂及
蜚廉惡來革等二人皆詐僞巧言利口以進其
身陰奉琫瑒刻鏤之好以納其心務快耳目之
欲以苟容爲度遂往不戒身沒被戮宗廟崩弛

國家爲虐放戮賢聖親近讒夫詩不云乎讒人
罔極交亂四國此之謂也故卑身賤體說色微
辭愉愉响响終無益於主上之治則志士仁人
不忍爲也將儼然作矜嚴之色深言直諫上以
拂人主之邪下以損百姓之害則忤於邪主之
心歷於衰世之法故養壽命之士莫肯進也遂
居家山之間積土爲室編蓬爲戶彈琴其中以
咏先王之風亦可以樂而忘死矣是以伯夷叔
齊避周餓於首陽之下後世稱其仁如是邪主

之行固足畏也故曰談何容易於是吳王懼然
易容捐薦去几危坐而聽先生曰接輿避世箕
子被髮陽狂此二人者皆避濁世以全其身者
也使遇明王聖主得清燕之閒寬和之色發憤
畢誠圖畫安危揆度得失上以安主體下以便
萬民則五帝三王之道可幾而見也故伊尹蒙
恥辱負鼎俎和五味以干湯太公釣於渭之陽
以見文王心合意同謀無不成計無不從誠得
其君也深念遠慮引義以正其身推恩以廣其

下本仁祖義褒有德祿賢能誅惡亂總遠方一
統類美風俗此帝王所由昌也上不變天性下
不奪人倫則天地和洽遠方懷之故號聖王臣
子之職既加矣於是裂地定封爵爲公侯傳國
子孫名顯後世民到于今稱之以遇湯與文王
也太公伊尹以如此龍逢比干獨如彼豈不衰
哉故曰談何容易於是吳王穆然俛而深嗟仰
而泣下交頤曰嗟乎余國之不亡也縣縣連連
殆哉世之不絕也於是正明堂之朝齊君臣之

位舉賢材布德惠施仁義賞有功躬節儉減後
宮之費損車馬之用放鄭聲遠佞人省庖厨去
侈靡卑宮館壞苑囿填池塹以予貧民無產業
者開內藏振貧窮存耆老卹孤獨薄賦歛省刑
辟行此三年海內晏然天下大洽陰陽和調萬
物咸得其安國無災害之變民無饑寒之色家
給人足畜積有餘囷圀空虛鳳凰來集麒麟在
郊甘露既降朱草萌芽遠方異俗之人鄉風慕
義各奉其職而來朝賀故治亂之道存亾之端

若此易見而君人者莫肯爲也臣愚竊以爲過
故詩云王國克生惟周之積濟濟多士文王以
寧此之謂也

設難

答客難

客難東方朔曰蘇秦張儀一當萬乘之主而都卿相之位澤及後世今子大夫脩先王之術慕聖人之義諷誦詩書百家之言不可勝數著於竹帛唇腐齒落服膺而不釋好學樂道之效明白甚矣自以智能海內無雙則可謂博聞辯智矣然悉力盡忠以事聖帝曠日持久官不過侍郎位不過執戟意者尚有遺行邪同胞之徒無

所容居其故何也東方先生喟然長息仰而應之曰是故非子之所能備也彼一時也此一時也豈可同哉夫蘇秦張儀之時周室大壞諸侯不朝力政爭權相禽以兵并爲十二國未有雌雄得士者彊失士者亾故談說行焉身處尊位珍寶充内外有廩倉澤及後世子孫長享今則不然聖帝流德天下震懾諸侯賓服威震四夷連四海之外以爲帶安於覆盂天下平均合爲一家動發舉事猶運之掌賢不肖何以異哉遵

天之道順地之理物無不得其所故綏之則安
動之則苦尊之則爲將卑之則爲虜抗之則在
青雲之上抑之則在深泉之下用之則爲虎不
用則爲鼠雖欲盡節效情安知前後夫天地之
大士民之衆竭精談說竝進輻輳者不可勝數
悉力慕之困於衣食或失門戶使蘇秦張儀與
僕竝生於今之世曾不得掌故安敢望常侍郎
乎傳曰天下無害菑雖有聖人無所施才上下
和同雖有賢者無所立功故曰時異事異雖然

安可以不務脩身乎哉詩云鼓鐘于宮聲聞于外鶴鳴于九臯聲聞于天苟能脩身何患不榮太公體行仁義七十有二廼設用於文武得信厥說封於齊七百歲而不絕此士所以日夜孳孳敏行而不敢怠也辟若鷗鵠飛且鳴矣傳曰天不爲人之惡寒而輟其冬地不爲人之惡險而輟其廣君子不爲小人之匈匈而易其行天有常度地有常形君子有常行君子道其常小人計其功詩云禮義之不愆何恤人之言故曰

水至清則無魚人至察則無徒冕而前旒所以蔽明黈纁充耳所以塞聰明有所不見聰有所不聞舉大德赦小過無求備於一人之義也枉而直之使自得之優而柔之使自求之揆而度之使自索之蓋聖人之教化如此欲其自得之自得之則敏且廣矣今世之處士時雖不用魁然無徒廓然獨居上觀許由下察接輿計同范蠡忠合子胥天下和平與義相扶寡耦少徒固其害也子何疑於我哉若夫燕之用樂毅秦之

任李斯酈食其之下齊說行如流曲從如環所欲必得功若丘山海內定國家安是遇其時也子又何怪之邪語曰以筦闕天以蠡測海以莛撞鐘豈能通其條貫考其文理發其音聲哉繇是觀之譬猶鼙鼓之襲狗狐豚之咋虎至則靡耳何功之有今以下愚而非處士雖欲勿困固不得已此適足以明其不知權變而終惑於大道也

答驃騎難

干將莫耶天下之利劍也水斷鵠馬陸斷馬牛
將以補履曾不如一錢之椎騏驎絳耳蜚鴻驊
騮天下良馬也將以捕鼠於深宮之中曾不如
跛猫

頌

旱頌

維昊天之大旱失精和之正理暹暹白雲之艷
淳滃瞳瞳而亡止陽風吸習而熖熖群生閔漙
而愁憤隴畝枯槁而允布壤石相聚而爲害農
夫垂拱而無爲釋其耰鉏而下涕悲壇畔之遭
禍痛皇天之靡濟

銘

寶甕銘

當黃帝時馬嶺甕至堯時猶存甘露不竭謂之寶露舜遷寶甕於衡山故山有寶露壇下起月館以望夕月又遷寶甕於零陵之上舜崩甕淪地下去至秦始皇通汨羅之流爲小溪逕從長沙至零陵掘地得赤玉甕可容八斗在舜廟之堂前不知年月至漢東方朔識之朔乃作寶甕銘

寶雲生於露壇祥風起於月館望三壺如盈尺視八鴻如縈帶

附錄

東方朔傳

漢班固

東方朔字曼倩平原厭次人也武帝初卽位徵天下舉方正賢良文學材力之士待以不次之位四方多上書言得失自衛鬻者以千數其不足采者輒報聞罷朔初來上書文辭不遜高自稱譽上偉之令待詔公車祿薄未得省見久之朔給騶朱儒曰上以若曹無益於縣官耕田力作固不及人臨衆處官不能治民從軍擊虜

不任兵事無益於國用徒索衣食今欲盡殺若
曹朱儒大恐啼泣朔教曰上卽過叩頭請罪居
有頃聞上過朱儒皆號泣頓首上問何爲對曰
東方朔言上欲盡誅臣等上知朔多端召問朔
何恐朱儒爲對曰臣朔生亦言死亦言朱儒長
三尺餘奉一囊粟錢二百四十臣朔長九尺餘
亦奉一囊粟錢二百四十朱儒飽欲死臣朔饑
欲死臣言可用幸異其禮不可用罷之無令但
索長安米上大笑因使待詔金馬門稍得親近

上嘗使諸數家射覆置守宮盞下射之皆不能
中朔自贊曰臣嘗受易請射之迺別著布卦而
對曰臣以爲龍又無角謂之爲虵又有足跂跂
脈脈善緣壁是非守宮卽蜥蜴上曰善賜帛十
匹復使射他物連中輒賜帛時有幸倡郭舍人
滑稽不窮常侍左右曰朔狂幸中耳非至數也
臣願令朔復射朔中之臣榜百朔不能中臣賜
帛廼覆樹上寄生令朔射之朔曰是竇數也舍
人曰果知朔不能中也朔曰生肉爲膾乾肉爲

脯著樹爲寄生盆下爲窠數上令倡監榜舍人
舍人不勝痛呼晷朔笑之曰咄口無毛聲瞽瞍
况益高舍人恚曰朔擅詆欺天子從官當棄市
上問朔何故詆之對曰臣非敢詆之廼與爲隱
耳上曰隱云何朔曰夫口無毛者狗竇也聲瞽
瞍者鳥哺鷇也尻益高者鶴俛啄也舍人不服
因曰臣願復問朔隱語不知亦當榜卽妄爲諧
語曰令壺齟老柏塗伊優亞狝吽牙何謂也朔
曰令者命也壺者所以盛也齟者齒不正也老

者人所敬也柏者鬼之廷也塗者漸澤經也伊
優亞者辭未定也狝呬牙者兩犬爭也舍人所
問朔應聲輒對變詐鋒出莫能窮者左右大驚
上以朔爲常侍郎遂得愛幸久之伏日詔賜從
官肉大官丞日晏不來朔獨拔劍割肉謂其同
官曰伏日當蚤歸請受賜卽懷肉去大官奏之
朔入上曰昨賜肉不待詔以劍割肉而去之何
也朔免冠謝上曰先生起自責也朔再拜曰朔
來朔來受賜不待詔何無禮也拔劍割肉壹何

壯也割之不多又何廉也歸遺細君又何仁也
上笑曰使先生自責廼反自譽復賜酒一石肉
百斤歸遺細君初建元三年微行始出北至池
陽西至黃山南獵長楊東游宜春微行常用飲
酎已八九月中與侍中常侍武騎及待詔隴西
北地良家子能騎射者期諸殿門故有期門之
號自此始微行以夜漏下十刻廼出常稱平陽
侯旦明入山下馳射鹿豕狐兔手格熊羆馳騫
禾稼稻稭之地民皆號呼罵詈相聚會自言鄠

社令令往欲謁平陽侯諸騎欲擊輓之令大怒
使吏呵止獵者數騎見畱廼示以乘輿物久之
廼得去時夜出夕還後齋五日糧會朝長信宮
上大驪樂之是後南山下乃知微行數出也然
尚迫於太后未敢遠出丞相御史知指乃使右
輔都尉徼循長楊以東右內史發小民共待會
所後廼私置更衣從宣曲以南十二所中休更
衣投宿諸宮長楊五柞倍陽宣曲尤幸於是上
以爲道遠勞苦又爲百姓所患廼使大中大夫

晉丘壽王與待詔能用算者二人舉籍阿城以南盤屋以東宛春以西提封頃畝及其買直欲除以爲上林苑屬之南山又詔中尉左右內史表屬縣草田欲以償鄆杜之民吾丘壽王奏事上大說稱善時朔在傍進諫是日因奏泰階之事上廼拜朔爲大中大夫給事中賜黃金百斤然遂起上林苑如壽王所奏云久之隆慮公主子昭平君尚帝女夷安公主隆慮王病因以金千斤錢千萬爲昭平君豫贖死罪上許之隆慮

主卒昭平君日驕醉殺主傅獄繫內官以公主
子廷尉上請請論左右人人爲言前又入贖陛
下許之上曰吾弟老有是一子死以屬我於是
爲之垂涕歎息良久曰法令者先帝所造也用
弟故而誣先帝之法吾何面目入高廟乎又下
負萬民廼可其奏哀不能自止左右盡悲朔前
上壽曰臣聞聖王爲政賞不避仇讎誅不擇骨
肉書曰不偏不黨王道蕩蕩此二者五帝所重
三王所難也陛下行之是以四海之內元元之

民各得其所天下幸甚臣朔奉觴昧死再拜上
萬歲壽上廼起入省中夕時召讓朔曰傳曰時
然後言人不厭其言今先生上壽時乎朔免冠
頓首曰臣聞樂太甚則陽溢哀太甚則陰損陰
陽變則心氣動心氣動則精神散精神散而邪
氣及銷憂者莫若酒臣朔所以上壽者明陛下
正而不阿因以止哀也愚不知忌諱當死先是
朔嘗醉入殿中小遺殿上劾不敬有詔免爲庶
人待詔宦者署因此對復爲中郎賜帛百匹初

帝姑館陶公主號寶太主堂邑侯陳午尚之午
死主寡居年五十餘矣近幸董偃始偃與母以
賣珠爲事偃年十三隨母出入主家左右言其
姣好主召見曰吾爲母養之因留第中教書計
相馬御射頗讀傳記至年十八而冠出則執轡
入則侍內爲人溫柔愛人以主故諸公接之名
稱城中號曰董君主因推令散財交士令中府
曰董君所發一日金滿百斤錢滿百萬帛滿千
匹乃白之安陵爰叔者爰盜兄子也與偃善謂

偃曰足下私侍漢主挾不測之罪將欲安處乎
偃懼曰憂之久矣不知所以爰叔曰顧城廟遠
無宿宮又有荻竹籍田足下何不白王獻長門
園此上所欲也如是上知計出於足下也則安
枕而臥長無慘怛之憂久之不然上且請之於
足下何如偃頓首曰敬奉敎入言之王王立奏
書獻之上大訛更各竇太主園爲長門宮王大
喜使偃以黃金百斤爲爰叔壽叔因是爲董君
畫求見上之策令王稱疾不朝上往臨疾問所

欲主辭謝曰妾幸蒙陛下厚恩先帝遺德奉朝
請之禮備臣妾之使列爲公主賞賜邑入隆天
重地死無以塞責一日卒有不勝洒掃之職先
狗馬填溝壑竊有所恨不勝大願願陛下時忘
萬事養精游神從中掖庭回輿枉路臨妾山林
得獻觴上壽娛樂左右如是而死何恨之有上
曰主何憂幸得愈恐羣臣從官多大爲主費上
還有頃主疾愈起謁上以錢千萬從主飲後數
日上臨山林主自執宰敝膝道入登階就坐坐

未定上曰願謁主人翁主廼下殿去簪珥徒跣
頓首謝曰妾無狀負陛下身當伏誅陛下不致
之法頓首死罪有詔謝主簪履起之東箱自引
董君董君綠幘傳鞞隨主前伏殿下主廼贊館
陶公主胞人臣偃昧死再拜謁因叩頭謝上爲
之起有詔賜衣冠上偃起走就衣冠主自奉食
進觴當是時董君見尊不名稱爲主人翁飲大
驪樂主廼請賜將軍列侯從官金錢雜繒各有
數於是董君貴寵天下莫不聞郡國狗馬楚鞠

劍客輻湊董氏常從遊戲北宮馳逐平樂觀雞
鞠之會角狗馬之足上大歡樂之於是上爲竇
太主置酒宣室使謁者引內董君是時朔陞戟
殿下辟戟而前曰董偃有斬罪三安得入乎上
曰何謂也朔曰偃以人臣私侍公主其罪一也
敗男女之化而亂婚姻之禮傷王制其罪二也
陛下富於春秋方積思於六經留神於王事馳
騫於唐虞折節於三代偃不遵經勸學反以靡
麗爲右奢侈爲務盡狗馬之樂極耳目之欲行

邪枉之道徑淫僻之路是乃國家之大賊人主之大賊也偃爲淫首其罪三也昔伯姬燔而諸侯憚柰何乎陛下上默然不應良久曰吾業以設飲後而自改朔曰不可夫宣室者先帝之正處也非法度之政不得入焉故淫亂之漸其變爲篡是以豎貂爲淫而易牙作患慶父死而魯國全管蔡誅而周室安上曰善有詔止更置酒北宮引董君從東司馬門東司馬門更名東交門賜朔黃金三十斤董君之寵由是日衰至年

三十而終後數歲竇太主卒與董君會葬於霸
陵是後公主貴人多踰禮制自董偃始時天下
後靡趨末百姓多離農畝上從容問朔吾欲化
民豈有道乎朔對曰堯舜禹湯文武成康上古
之事經歷數千載尚難言也臣不敢陳願近述
孝文皇帝之時當世耆老皆聞見之貴爲天下
富有四海身衣弋綈履革舄以韋帶劔莞蒲
爲席兵木無刃衣繼無文集上書囊以爲殿帷
以道德爲麗以仁義爲準於是天下望風成俗

昭然化之今陛下以城中爲小圖起建章左鳳
闕右神明號稱千門萬戶水土衣綺繡狗馬被
績罽宮人簪璫珎垂珠璣設戲車教馳逐飾文
采鼓珍怪撞萬石之鐘擊雷霆之鼓作俳優舞
鄭女上爲淫侈如此而欲使民獨不奢侈失農
事之難者也陛下誠能用臣朔之計推甲乙之
帳燔之於四通之衢却走馬示不復用則堯舜
之隆寧可與比治矣易曰正其本萬事理失之
毫釐差以千里願陛下留意察之朔雖謏笑然

時觀察顏色直言切諫上常思之自公卿在位
朔皆敖弄無所爲屈上以朔口諧辭給好作問
之嘗問朔曰先生視朕何如主也朔對曰自唐
虞之隆成康之際未足以諭當世臣伏觀陛下
功德陳五帝之上在三王之右非若此而已誠
得天下賢士公卿在位咸得其人矣譬若以周
邵爲丞相孔丘爲御史大夫太公爲將軍畢公
高拾遺於後弁嚴子爲衛尉臯陶爲大理后稷
爲司農伊尹爲少府子贛使外國顏閔爲博士

子夏爲太常益爲右扶風季路爲執金吾契爲
鴻臚龍逢爲宗正伯夷爲京兆管仲爲馮翊魯
般爲將作仲山甫爲光祿中伯爲太僕延陵季
子爲水衡百里奚爲典屬國柳下惠爲大長秋
史魚爲司直蘧伯玉爲太傅孔父爲詹事孫叔
敖爲諸侯相子產爲郡守王慶忌爲期門夏育
爲鼎官羿爲旄頭宋萬爲式道候上廼大笑是
時朝廷多賢材上復問朔方今公孫丞相兒大
矣董仲舒夏侯始昌司馬相如吾丘壽王主父

偃朱買臣嚴助汲黯膠倉終軍嚴安徐樂司馬
遷之倫皆辯知閎達溢于文辭先生自視何與
比哉朔對曰臣觀其舌齒牙樹頰脰吐脣吻擢
項頤結股腳連脰尻遺蛇其迹行步偶旅臣朔
雖不肖尚兼此數子者朔之進對澹辭皆此類
也武帝旣招英俊程其器能用之如不及時方
外事胡越內興制度國家多事自公孫弘以下
至司馬遷皆奉使方外或爲郡國守相至公卿
而朔嘗至大中大夫後常爲郎與枚臯郭舍人

俱在左右談啁而已久之朔上書陳農戰彊國
之計因自訟獨不得大官欲求試用其言專商
鞅韓非之語也指意放蕩頗復談諧辭數萬言
終不見用朔因著論設客難已用位卑以自慰
諭又設非有先生之論朔之文辭此二篇最善
其餘有封泰山責和氏璧及皇太子生祿屏風
殿上柏柱平樂觀賦獵八言七言上下從公孫
弘借車凡劉向所錄朔書具是矣世所傳他事
皆非也

贊曰劉向言少時黠問長老賢人通於事及朔
時者皆曰朔口諧倡辯不能持論喜爲庸人誦
說故今後世多傳聞者而揚雄亦以爲朔言不
純師行不純德其流風遺書蔑如也然朔名過
實者以其該達多端不名一行應諸似優不窮
似智正諫似直穢德似隱非夷齊而是柳下惠
戒其子以上容首陽爲拙在下爲工飽食安步
以仕易農依隱玩世詭時不逢其滑稽之雄乎
朔之談諧逢占射覆其事浮淺行於衆庶墮兒

牧豎莫不眩耀而後世好事者因取奇言怪語
附著之朔故詳錄焉

東方朔辭諛諧倡優譏死扞偃正諫舉鄴懷肉
汪殿施張沈浮述東方朔傳第三十五

東方生小傳

漢祿先生

武帝時齊人有東方生名朔以好立得書愛經術多所博觀外家之語朔初入長安至公車上書凡用三千奏牘公車令兩人共持舉其書僅然能勝之人主從上方讀之止輒乙其處讀之二月乃盡詔拜以爲郎常在側侍中數召至前談語人主未嘗不說也時詔賜之飯於前飯已盡懷其餘肉持去衣盡汙數賜繒帛檐揭而去徒用所賜錢帛取少婦於長安中好女率取婦

一歲所者卽棄去更取婦所賜錢財盡索之於
女子人主左右諸郎半呼之狂人人主聞之曰
令朔在事無爲是行者若等安能及之哉朔任
其子爲郎又爲侍謁者常持節出使朔行殿中
郎謂之曰人皆以先生爲狂朔曰如朔等所謂
避世於朝廷間者也古之人乃避世於深山中
時坐席中酒酣據地歌曰陸沈於俗避世金馬
門金馬門者官署門也門傍有銅馬故謂之曰
金馬門時會聚官下博士諸先生與論議其難

之生作答於是諸先生默然無以應也建章宮
後閣重櫺中有物出焉其狀似麋以聞武帝往
臨視之問左右羣臣習事通經術者莫能知詔
東方朔視之朔曰臣知之願賜美酒粱飯大飧
臣臣乃言詔曰可已飧又曰某所有公田魚池
蒲葦數頃陛下以賜臣臣朔乃言詔曰可於是
朔乃言曰所謂騶牙者也遠方當來歸義而
騶牙先見其齒前後若一齊等無牙故謂之騶
牙其後一歲所匈奴混邪王果將十萬衆來降

漢乃復賜東方生錢財甚多至老朔且死時諫
曰詩云營營青蠅止于蕃愷悌君子無信讒言
讒言罔極交亂四國願陛下遠巧佞退讒言帝
曰今顧東方朔多善言怪之居無幾何朔果病
死

列仙傳

漢劉向

東方朔者平原厭次人也久在吳中爲書師數
十年武帝時上書說使坐弄琴瑟三壠管時時
人或謂聖人或謂凡人作深淺懸微之行或應
言或戲語莫知其旨至宣帝初棄郎以避亂世
置幘官舍風飄之而去後見於會稽賣藥五湖
智者疑其歲星精也

東方朔別傳

東方朔小名曼倩父張氏名夷字少平母田氏
夷年二百歲顏若童子朔生三日而母死
時漢景帝三年也隣母拾朔養之時東方始明
因以姓焉年三歲天下秘識一覽暗誦於口恒
指揮天上空中獨語隣母忽失朔累月暫歸母
咎之後復去一年乃歸母見之大驚曰汝行經
年一歸何以慰吾朔口兒暫之紫泥之海有紫
水污衣仍過虞泉滿沆朝發中還何言經年乎

母又問曰汝悉經何國朔曰兒滿承竟暫息冥
都崇臺一寤眠王公啖兒以丹栗霞漿兒食之
旣多飽闕幾死乃飲玄天黃露半合卽醒還遇
一蒼虎息於路初見騎虎而還打捶過痛虎嚙
兒脚傷母便悲嗟乃裂青布裳裹之朔復去家
萬里一見枯樹脫布挂樹布化爲龍因名其地
爲布龍澤朔以元封中遊鴻濛之澤忽遇母採
桑於白海之濱俄而有黃眉翁指母以語朔曰
昔爲我妻託形爲太白之精今汝亦此星精也

吾却食吞氣已九十餘年月中童子皆有青光
能見幽隱之物三千年一返骨洗髓二千年一
刻骨代毛吾生來已三洗髓五代毛矣弱冠長
事漢武帝爲大中大夫武帝暮年好仙術與朔
狎暱一日謂朔曰朕欲使愛幸者不老可乎朔
曰臣能之帝曰服何藥曰東北地有芝草西南
有春生之魚帝曰何知之曰三足鳥欲下地食
此草羲和以手掩鳥目不許下畏其食此草也
鳥獸食此卽美悶不能動問子何知之朔曰小

兒時掘井陷落井下數十丈無所託有人引臣
往取此草乃隔紅泉不得渡其人與臣一隻履
臣乃乘履泛泉得而食之其國人皆織珠玉爲
簞要臣入雲輅之幕設玄珉雕枕刻鏤爲日月
雲雷之狀亦曰鏤空枕亦曰玄雕枕又薦蛟毫
之珍褥以百蛟之毫織爲褥此毫褥而冷常以
夏日舒之因名柔毫水藻之褥臣舉手拭之恐
水濕席定視乃光也其後武帝寢於靈光殿召
朔於青綺窻綈紈幕下問朔曰漢年運火德統

以何緒何瑞爲祥甥對曰臣常游吳然之墟在
長安之東過扶桑七萬里有雲山山頂有井雲
從井中出若土德則黃雲火德則赤雲金德則
白雲水德則黑雲帝深信之太初二年朔從西
那邪國還得聲風木十枝以獻帝長九尺大如
指此木出因桓之水則禹貢所謂因桓是來卽
其源也出甜波樹上有紫燕黃鵠集其間實如
紺珠風吹林如玉聲因以爲名帝以枝遍賜群
臣年百歲者頒賜此人有疾枝則有汗將死者

枝則折昔老聃在周二千七百年此枝未汗洪崖先生堯時年已三千歲此枝亦未一折帝乃賜朔朔曰臣見此枝三遍枯死死而復生何趨汗振而已語曰年未半枝不汗此木五千歲一濕萬歲一枯也帝以爲然又天漢二年帝升蒼龍館思仙術召諸方士言遠國還鄉之事唯朔平席操筆疏曰臣遊北極至鏡火山日月所不照有龍銜火以照山四極亦有園囿池苑皆植異草木有明莖草如金燈折爲燭照見鬼物形

仙人審封嘗以此草然爲夜朝見腹内外有光
亦名洞腹草帝到此草爲蘇以塗明雲之觀夜
坐此觀卽不加燭亦名照魅草採以籍足則入
水不沉朔又嘗東遊結雲之地得神馬一匹高
九尺帝問朔何獸曰王母乘雲光輦以適東王
公之舍稅此馬於芝田食芝田之草東王公怒
棄此馬於清津天岸臣至王公壇因騎而反遶
日三匝此馬入漢關關門猶未掩臣於馬上睡
不覺還至帝曰其名云何朔曰因事爲名名步

景駒朔日自馭之如驚馬蹇驢耳朔日臣有吉
雲草千頃種於九景山東二千年一花明年應
生臣走往刈之以秣馬馬立不饑朔日臣至東
極過吉雲之澤帝曰何爲吉雲曰其國常以雲
氣占凶吉若有喜慶之事則滿室雲起五色照
人着於草樹皆成五色露露味皆甘帝曰吉雲
五露可得否曰臣負吉雲草以備馬此立可得
日可三二往乃東走至夕而還得玄白青黃露
盛以青琉璃各受五合授帝帝徧賜群臣其得

之者老者皆少疾者皆除也又武帝常見彗星
朔折指星木以授帝帝指彗星應時星沒時人
莫之測也朔又善嘯每憂聲長嘯輒塵落漫飛
朔未死時謂同舍郎曰天下人無能知朔知朔
者唯太王公耳朔卒後武帝得此語卽召太王
公問之曰爾知東方朔乎公對曰不知公何所
能曰頗善星曆帝問諸星皆具在否曰諸星具
獨不見歲星十八年今復見耳帝仰天歎曰東
方朔生在朕傍十八年而不知是歲星哉慘然

リフフイ

下金

一一

不樂
太平
廣記

東方朔畫像贊

晉夏侯湛

大夫諱朔字曼倩平原厭次人也魏建安中分
厭次以爲樂陵郡故又爲郡人焉事漢武帝漢
書具載其事先生瓌瑋博達思周變通以爲濁
世不可以富樂也故薄游以取位苟出不可以
直道也故頡頏以傲世傲世不可以垂訓也故
正諫以爲明節不可以久安也故談諧以取
容潔其道而穢其跡清其質而濁其文弛張而
不爲邪進退而不離群若乃遠心曠度瞻智宏

材侗儻博物觸類多能合變以明算幽贊以知
來自三墳五典八索九丘陰陽圖緯之學百家
衆流之論周給敏捷之辯支離覆逆之數經脈
藥石之藝射御書計之術乃研精而究其理不
習而盡其功經目而諷於口過耳而聞於心夫
其明濟開豁包含弘大陵轢卿相嘲哂豪傑籠
罩靡前跼籍貴勢出不休顯賤不憂戚戲萬乘
若寮友視儔列如草芥雄節邁倫高氣蓋世可
謂拔乎其萃游方之外者已歟百又以先生嘯

吸冲和吐故納新蟬蛻龍變棄俗登仙禮交造
化靈爲星辰此又奇怪惚恍不可備論者也太
人來守此國僕自京都言歸定省覩先生之縣
邑想先生之高風徘徊路寢見先生之遺像逍
遙城廓觀先生之祠宇慨然有懷乃作頌焉其
辭曰矯矯先生肥遯居貞退弗終否進亦避榮
臨世濯足希古振纓涅而無滓旣濁能清無滓
伊何高明克柔能清伊何視汙若浮樂在必行
處儉罔憂跨世凌時遠蹈獨游瞻望徃代爰想

遐蹤邈邈先生其道猶龍染迹朝隱和而不同
栖遲下位聊以從容我來自東言適茲邑敬問
墟墳企佇原隰墟墓徒存精靈永戢民思慕輓
祠宇斯立徘徊寺寢遺像在圖周旋祠宇廡序
荒蕪榛棘傾落草萊弗除肅肅先生豈焉是居
是居弗形悠悠我情昔在有德罔不遺靈天秩
有禮神鑒孔明彷彿風塵用垂頌聲

東方朔至清

魏稽康

外以貪汚肉貞穢身滑稽隱名不爲世累所撓
所欲不足無營

東方曼倩

唐吳筠

東方稟易象翫世隱廊廟棲心抱清微混跡祕
光耀玄覽寄數術納規在談笑賣藥五湖中還
從九仙妙

東方朔

宋王安石

平原狂先生隱翳世上塵材多不可數射覆亦

絕倫談辭最詼怪發口如有神以此得親幸賜
予頗不貧金玉本光瑩泥沙豈能堙時時一悟
主驚動漢庭臣不肯下兒童敢言詆平津何知
夷與惠空復忤時人

東方曼倩行

明王世貞

孝武帝時有東方生長九尺餘月請一雞粟不
能立休儒用奇釣上聞待詔始離公車封覆多
巧中徃徃解上順舌折郭舍人戟止館陶兒拔
劍割伏肉殿上或小遺怪哉辨秦獄駟牙表降
夷歌鄭必終雅爲訣不廢直偶爾乞大官無官
意亦得上賜頗不貲梁肉金錢帛悉送宛若家
相與行交接海鷗一世主兒戲諸王公首陽呼
爲拙柱下始云工寧學公孫丞相脫粟不令春

厨車載渭橋巫蠱滿東宮揮手謝世人竦身白
雲中

東方曼倩

明張 燮

曼倩浣紫水薄言戾漢廷嘲笑狎萬乘何況公
與卿懷肉希嬖婉射覆類縱橫侏儒那得知賢
濁文逾清

遺事

帝起騰光臺以望四遠方朔舞拜於帝前曰臣
東遊萬林之野獲九色鳳雛涿源丹嶺之水赤
色西過洞絳得滄淵虬子靜海遊珠洞絳在虞

淵西

洞冥記

帝解鳴鴻之刀以賜朔刀長三尺朔曰此刀黃
帝采首山之銅鑄之雄已飛去雌者猶存帝臨
崩舉刀示朔恐人得此刀欲銷之刀以手中化

爲鵲赤色飛去雲中

洞冥記

漢武帝宴於未央忽聞人語云老臣冒死自訴
良久梁上見一老翁長八九寸拄杖僂步篤老
之極帝問曰叟何所病苦而來訴朕翁緣柱而
下放杖稽首嘿而不言因仰頭視屋俯指帝腳
忽然不見帝駭愕曰東方朔必識之於是乃方
朔以告朔曰其名爲藻水木之精夏巢幽林冬
潛深河陛下頃日頗興宮室斬伐其居故來訴
耳仰頭看屋而俯指陛下腳者足也願陛下宮
室足于此帝感之旣而息役幸瓠子河聞水底

弦歌聲前梁上翁及平少數人絳衣素帶纓佩
甚鮮皆長八九寸一人長尺餘變波而出衣不
霑濡或有挾樂器者帝方食命列案前問曰聞
水底奏樂爲是君耶翁對曰老臣前昧死歸訴
幸陛下天地之施卽息斧斤得全其居不勝歡
喜故私相慶樂耳帝曰可得奏樂否曰故齋樂
來其最長人便弦而歌歌曰天地德兮垂至仁
愍幽魄兮停斧斤保窟宅兮庇微身願天子兮
壽萬春又二人鳴管撫節調契聲諸帝歡悅舉

觴曰不德不足當雅祝老翁等並起拜受爵獻
帝一紫螺殼中有物狀如牛脂帝問此何物曰
東方生知之耳老翁又命取洞穴之寶得一大
珠徑數寸明耀絕世以獻帝甚愛玩翁等忽然
而隱帝問朔紫螺殼中何物朔曰是蛟龍髓以
傅面令人好顏色又女子在孕產之必易會後
官產難者試之殊有神效帝以脂塗面便悅澤
又曰何以此珠名洞穴珠朔曰河底有一穴深
數百丈中有赤蚌蚌生珠故以名焉帝既深歎

此事又服朔之奇識

幽明錄

漢武帝見伯夷叔齊像問東方朔是何人朔曰
古之愚夫帝曰何謂愚朔曰臣聞賢者居世與
之推移何不升其堂飲其漿泛泛如水中之鳧
與彼徂遊天子轂下可以隱居何自苦於首陽
上喟然

武帝好方士朔曰陛下所使取皆天地間藥不
能使人不死天上藥能使人不死耳上曰天何
可至朔曰臣能上天願得一人爲驗上遣方士

與俱辭而行日過諸侯傳飲方士晝臥朔遽呼
曰若極久不應我何耶今者屬從天上來方士
乃具以聞上問朔朔誦天上物不可稱原上以
爲面欺詔下獄左右方提去朔泣曰使幾死者
再上曰何也朔曰天公問臣下方何丞臣曰丞
蟲蟲何若臣曰蟲喙顛顛顛馬色邠邠類虎天
公大怒以臣爲慢使使下問還報名曰蠶天公
乃出臣今陛下苟以爲詐願使人上天問之上
大驚曰善欲喻我止方士也

漢武遊上林見一好樹問東方朔朔曰名善哉
帝陰使人洛其樹後數歲復問朔朔曰名爲瞿
所帝曰朔欺久矣名與前不同何也朔曰夫大
爲馬小爲駒長爲雞小爲雛大爲牛小爲犢人
生爲兒長爲老且昔爲善哉今爲瞿所長少死
生萬物敗成豈有定哉帝大笑

上林獻棗上以杖擊殿檻呼朔曰叱叱朔來朔
來知此篋中何物朔曰上林獻棗四十九枚上
曰何以知之朔曰呼朔者上也以杖擊檻兩木

林也曰朔來朔來者棗也叱叱者四十九上大

笑賜帛十匹

外傳

武帝東遊至函谷有物當道身長數丈其狀象
牛青眼而曜精四足入土動而不徙東方朔請
酒灌之灌數十斛而消帝問其故答曰此名怪
哉憂患之所生也此必秦之獄地不然罪人徒
作地夫酒忘憂故能消之也帝曰博物之士至
于此乎

搜神記

武帝時有獨足鶴人以爲怪東漢朔曰此幽海

經所謂畢方鳥也驗之果是因敕廷臣皆習山

海經

尚書
故實

武帝時未央宮前鐘無故自鳴召待詔王朔對
有兵氣上更問東方朔朔曰臣聞銅者土之子
子母相感山恐有崩弛者故鐘先鳴居三日南
郡太守上言山崩延袤二十餘里上大笑賜帛
三十疋

武帝坐未央前殿天雨新止朔執戟立殿陛遙
指獨語上呼問之朔曰殿後柏樹上有鵲立枯

枝上東向鳴上遣祝如朔言上問何以知之朔
曰風從東來鵲尾旁風則順背風則蹙必當順
風而立故知東向鳴也新雨生枝滑枯枝澀故
立枯枝上上大笑賜帛十疋

武帝登少室見一女子以九節杖仰指日閉左

目開右目氣絕乃蘇武帝使人問所行何等女

子不答東方朔曰婦人食日精者

劉根別傳

武帝忽見一坑深不知幾丈以朔多智使往視
之朔曰坑深一百二十丈何以知之朔曰臣到

以大石投坑中傾耳而聽久久乃聞慘慘有聲
九九八十一六六三十六臣以此知之

武帝時有殺上苑鹿者下有司收殺之朔時在
旁曰是當死者三使陛下以鹿殺人一當死天
下聞陛下重鹿賤人二當死匈奴有急須鹿觸
之三當死

朔與弟子俱行朔渴令弟子叩道邊門不知室
主姓名呼不應朔復往見博勞飛集李樹上朔
謂弟子曰主人當姓李名博勞汝呼當應室中

果姓李名博勞出與相見卽入取飲與之

朔門生三人俱行乃見一鳩一生曰今當有酒
一生曰其酒必酸一生曰雖得酒不得飲也三
生皆到須臾主人出酒安樽於地而覆之訖不
得酒乃問其故曰出門見鳩飲水故知得酒鳩
飛集梅樹故知酒酸鳩飛去所集枝折故知不
得飲之

西王母曰東方朔爲太山仙官太山使至方丈
助三天司命朔但務山水遊戲擅弄雷電激波

楊風風雨失時

漢武內傳

有獻不死藥者帝以示朔朔遽吞之帝怒欲誅朔朔曰使藥果驗陛下縱殺臣不死若能死臣則藥乃死藥非不死藥也帝笑而置之

漢武對群臣曰相書云鼻下人中長一寸年百歲東方朔在側因大笑有司奏不敬方朔免冠曰臣不敢笑陛下笑彭祖面長耳帝問之朔曰彭祖八百歲果如陛下言則人中可長八寸以此推之面長丈餘矣帝大笑

別傳

集評

對問以後東方朔效而廣之名曰客難託古慰

志疎而有辨

文心雕龍

東方答客難自是文中傑出揚雄擬之爲解嘲尚有馳騁之妙達旨以下皆屋下架屋章摹句

寫矣

洪邁

諫止上林苑一疏宏贍古雅乃兩京諫書第一

徐中行

紕謬

近刻東方集歷載諫止董偃入宣室劾董偃罪
狀臨終諫天子及侏儒對化民有道對劇武帝
對劇群臣對伯夷叔齊對善哉瞿所對上天子
壽上壽謝過割肉自責皆出當時口語原非筆
錄今具刪歸本傳及遺事